

通治部

瘡疾	痢疾	泄瀉	霍亂	瘟疫	傷寒	傷風	中寒	中濕
痼冷	麻木	諸火	中暑	發熱	煩躁	諸汗	消渴	欬嗽
嘔吐	翻胃	噎膈	吞酸	呃逆	哮喘	聲音	臥床	
			雜					

嘉慶丁丑秋鑄

山陰宋賓于輯

本草萬方類纂

州山遐德堂藏板

叙

人之所病、疾多而醫之所病、道少
則知方之不可不詳也扁鵲言醫為方
者宗而受禁方于長桑君以故能生死
人太倉公多喜方初受於公孫光光曰
吾方盡矣尋與見乘陽慶、悉以禁方
予之以故意之治病近于鵲晉抱朴子
唐孫真人醫仙也而金匱萬卷龍宮千

金方之重也且如此以故陸宣公晚年
家居聞有祕方必手自鈔錄曰此亦活
人之一術也自本草綱目出而所載之
方獨詳顧其方繫于藥品下檢閱為難
萬方針線則未臚其方本草類方又多
舛其類譬之倉公所云臣意不能全也
頃予自四明歸見同里宋賓于先生手
輯本草萬方類纂一書以類為綱而以

方為目方既悉備類更靡遺按症求方
朗若列眉瞭如指掌心竊好之亟恣憚
壽之梨棗先生以自備檢閱為辭不欲
質諸世予思古今集驗之方夥矣甚有
詳明若此者第以卷帙浩博難于開雕
爰謀諸同人醵金而剞劂之以公同好
先生原非若長桑君曰公毋泄公孫光
曰毋以教人也是書出勿論醫家固便

于檢閱即不省醫者家置一冊亦得因
症覓方而活人無算功德豈出陸宣公
下哉或曰金張元素治病不用古方其
說曰運氣不齊古今異軌古方新病不
相能也遂自為家法而元素傳載其初
學醫無所知名夜夢有人用大斧長鑿
鑿心開竅納書數卷于其中自是洞徹
其術殆即長桑君予扁鵲方忽然不見

之類與特南唐時予宗人廷紹為太醫
令烈祖喉痺進楮實湯服之頓愈宰相
馮延巳病腦痛進薑豆湯一服立差羣
醫默志其方他日以楮實治喉痺以薑
豆治腦痛皆無效或問其故廷紹曰烈
祖嘗餌金石吾故以木之陽實勝之木
王則金絕矣馮公嗜山雞鴈鵠二鳥皆
食烏頭半夏薑豆乃解其毒耳羣醫大

服信是說也勿泥其方當通其疾病萬
變藥萬變方亦萬變而謂古方之必不
可用不拘於醫者意也之一言乎先生
為人如宋令艾年老手錄書不釋且心
如髮細以故是書校正三四過鮮舛訛
夫世之病者必求醫者必切脈安得
如鵲之言曰越人之為方也不待切脈
望色聽聲寫形言病之所在決者至衆

即如鵲也然亦曾受方方之不可已也
如此則是書之出將醫不病其道少而
人不病其疾多幸何如之儻據素問勞
佚有常飲食有節八言勝于服藥直以
是書為妙取筌蹄棄高宜百萬層微特
先生與予之所甚樂抑亦扁鵲之所無
庸仰天嘆也雕成附記數言于簡末
嘉慶二十二年歲在彊梧赤奮若塞陽

之月五岳注生籍日象中吳國柱書于

圍青軒

蘇玉局有言藥雖進於醫手方多傳於古人方之重於醫也稔矣予不知醫而好集古方每見有人試驗者輒抄錄為枕中秘及閱本草綱目而凡所謂秘方者率出於此緣散載諸藥品下不能按病而稽未免望洋而嘆嗣見萬方鍼線一書將本草所有各方分門別類逐條臚列按症稽方頗稱簡捷然僅標其目而不載其方而綱目卷帙浩繁若遇一症仍須逐卷緝查亦非易易復見本草類方一書雖將各方逐條細載而所列門類又不及針線之清晰檢尋每致遺錯夫針一線萬線既苦

其多而方以類聚類又防其溷予不揣樛昧特照針線
門類將本草各方全行錄出而鍼線內亦間有舛誤之
處并有一條而應分作數條有數條而可併作一條者
悉為釐正閱一載而錄成庶因症尋方因方對症開卷
了然而無慮本草之浩如烟海也名之曰萬方類纂萬
方從針線也類纂從類方也其即藥進醫手方傳古人
之意乎然未敢謂若已經效於世間不必皆從於已出
則醫者必有其道矣而予則聊以便已之繙閱云爾

嘉慶歲在柔兆困敦夏五枳田宋穆書

本草萬方類纂凡例

一是集門類大概仿萬方針線之例排列間有挪前移後之處或有一條而分數條者有數條而併作一條者亦視其治症之同異而分合之翻查畧較清晰非擅變前人成法也

一古方銖兩與今異制有稱一字者二分半也稱銖者以六銖為一分即二錢半也四分為一兩刀圭者十分方寸匕之一准如梧桐子大也方寸匕者作匕正方一寸抄散取不落為度一撮者四刀圭也少許者些子也又古之一兩

今用一錢可也古之一升今之二合半也此本草綱目所載如此併錄之以備查考

一見坊本各項方書多分行開列茲全抄本草綱目之方數且逾萬若亦分行開列未免卷帙浩繁故一症有數方者俱聯綴接書每一方錄竟則隔一空以清眉目既易於檢尋而板用袖珍書分六集則出門亦便于攜帶也

一集內所載各方已與綱目校對再四宜無舛訛第原本翻板居多魯魚亥豕在所不免雖集數部互相考訂有彼是而此非者已酌其是者載入若彼此相同則無從查對

穆

不敢擅改姑仍其舊然其錯處亦屬易曉俟得有善本再當更定閱者諒之

一 穆于醫學素未究心而性頗喜方又以健忘為患年來家居無事手緝是編聊以便已繙查非敢出而問世比緣同里吳子象中見而好之即為醵金付梓開雕既促糾謬未遑所望深于醫者匡其不逮則幸甚矣

本草萬方類纂總目

禮集 通治部

瘧疾

痢疾

泄瀉

霍亂

瘟疫

傷寒

傷風

中寒

中濕

痼冷

麻木

諸火

中暑

發熱

煩躁

諸汗

消渴

欬嗽

嘔吐

翻胃

噎膈

吞酸嘈襍

呃逆

哮喘

聲音

卧寐